

**KERATAN AKHBAR-AKHBAR TEMPATAN
TARIKH: 9 JUN 2015 (SELASA)**

Bil	Tajuk	Akhbar
1.	Kertas Kabinet mengenai pasukan SAR siap Isnin	BERNAMA
2.	Kertas kabinet mengenai pasukan SAR dibentang minggu depan	KOSMO
3.	Kertas cadangan malim gunung minggu depan	Utusan Malaysia
4.	Kertas Kabinet cadang tubuh pasukan SAR Taman Kinabalu siap Isnin depan	The Rakyat Post
5.	SAR team proposal to be submitted next week	New Straits Times
6.	Cabinet paper on new SAR team	The Malay Mail
7.	MOSTI nafi khabar angin tsunami bakal landa Sabah	My News Hub
8.	Get basic practices off the ground	New Straits Times
9.	Gempa: 54 gegaran susulan direkod sehingga semalam	BERNAMA
10.	54 gegaran susulan drekod	Sinar Harian
11.	'Buildings should ne quake-proof'	New Straits Times
12.	Pengurusan risiko hadapai bencana geologi, iklim	Berita Harian
13.	Malim Gunung akan diberi latihan hadapi gempa bumi	Berita Harian
14.	Malim Gunung Kinabalu wira sejati	BERNAMA
15.	Aftershocks may go on for some time	The Malay Mail
16.	Mt Kinabalu quake a wake-up call to all	The Star
17.	Rescue training for guides	The Sun
18.	Kolam, sungai jadi hitam	Berita Harian



Kertas Kabinet Mengenai Pasukan SAR Siap Isnin

PUTRAJAYA, 8 Jun (Bernama) -- Kertas Kabinet mengenai pasukan mencari dan menyelamat (SAR) di Taman Kinabalu yang dicadangkan sebagai persediaan menghadapi kejadian masa akan datang dibentangkan minggu hadapan, kata **ketua setiausaha Kementerian Sains, Teknologi dan Inovasi Datuk Seri Noorul Ainur Mohd Nur.**

Beliau berkata menteri berkenaan Datuk Dr Ewon Ebin, yang juga anggota Parlimen Ranau, telah mengarahkan supaya kertas itu disiapkan menjelang Isnin (15 Jun) supaya dapat dibentangkan kepada Kabinet.

"Ini perkara penting," kata beliau tanpa mendedahkan butir cadangan.

Beliau bercakap kepada pemberita selepas melancarkan Bengkel mengenai Promosi Penyertaan Sosial Menerusi Dasar-dasar Awam di Malaysia di sini Isnin.

Gempa bumi berukuran 5.9 pada skala Richter menggegarkan Ranau pada 7.15 pagi hari Jumaat lepas, mengorbankan 16 orang. Dua masih hilang.

Ewon, menurut laporan, akan membentangkan cadangan kepada Kabinet bagi menubuhkan pasukan SAR itu.

Beliau mencadangkan orang paling sesuai dilatih untuk pasukan itu ialah malim gunung yang cukup mengetahui tentang Gunung Kinabalu.

-- BERNAMA

KERATAN AKHBAR
KOSMO (NEGARA): MUKA SURAT 4
TARIKH: 9 JUN 2015 (SELASA)

Kertas Kabinet mengenai pasukan SAR dibentang minggu depan



Gempa terkuat gegar bumi Sabah

KERATAN Kosmo! 6 Jun 2015.

PUTRAJAYA - Kertas Kabinet mengenai pasukan mencari dan menyelamat (SAR) di Taman Kinabalu yang dicadangkan sebagai persediaan menghadapi kejadian gempa bumi masa akan datang dibentangkan minggu depan, kata Ketua Setiausaha

Kementerian Sains, Teknologi dan Inovasi, Datuk Seri Noorul Ainur Mohd. Nur.

Beliau berkata, menteri berkenaan, Datuk Dr. Ewon Ebin, yang juga Ahli Parlimen Ranau telah mengarahkan supaya kertas itu disiapkan menjelang 15 Jun ini

supaya dapat dibentangkan kepada Kabinet.

“Ini perkara penting,” kata beliau tanpa mendedahkan butir cadangan.

Beliau bercakap kepada pemberita selepas melancarkan Bengkel mengenai Promosi Pe-

nyertaan Sosial Menerusi Dasar-Dasar Awam di Malaysia di sini semalam.

Gempa bumi berukuran 5.9 pada skala Richter menggegarkan Ranau pada 5 Jun lalu menyorbankan 16 orang.

Dua lagi masih hilang. - Bernama

Kertas cadangan malim gunung minggu depan

PUTRAJAYA 8 Jun - Kertas cadangan supaya malim gunung dilantik menganggotai pasukan mencari dan menyelamat (SAR) di Taman Kinabalu, Sabah akan dibentangkan dalam mesyuarat Kabinet minggu depan.

Ketua Setiausaha Kementerian Sains, Teknologi dan Inovasi, Datuk Seri Dr. Noorul Ainur Mohd. Nur berkata, pihaknya berharap cadangan ini dapat diluluskan di peringkat Kabinet dengan segera kerana terdapat keperluan mengenainya.

"Kami melihat penubuhan pasukan ini sebagai sesuatu yang mustahak dan perlu dilaksanakan dengan segera. Oleh itu, kertas cadangannya akan disiapkan sebelum mesyuarat Kabinet minggu depan," katanya.

Beliau berkata demikian kepada pemberita selepas merasmikan majlis Promosi Inklusif Sosial melalui Dasar-Dasar Awam di sini hari ini.

Menteri Sains, Teknologi dan Inovasi, Datuk Dr. Ewon Ebin sebelum ini telah mencadangkan supaya pasukan SAR ditubuhkan di Taman Kinabalu sebagai persediaan untuk berhadapan sebarang kejadian tidak diingini yang mungkin boleh berlaku pada masa akan datang.

Ewon yang juga Ahli Parlimen Ranau turut memberitahu bahawa malim gunung yang biasa dengan bentuk muka bumi dan cuaca di Gunung Kinabalu merupakan golongan paling sesuai menganggotai pasukan tersebut.

Selain diberi latihan dan peralatan menyelamat, malim gunung yang menganggotai pasukan SAR turut dicadangkan supaya menerima elaun bulanan.

Sementara itu, Noorul Ainur berkata, pegawai Jabatan Meteorologi dari beberapa negeri telah dihantar membantu rakan sejawat mereka di Sabah untuk menjawab pelbagai persoalan daripada orang ramai mengenai gempa bumi dan gempa susulan yang berlaku di Ranau.

